

TURA ZA POKOJNEGA

(Nikola Peršić- Nikola Peršić –Mauro Staraj)

opeta su jutro takali na butigu
kus bele karti ča ima črnu rigu
jedna slika črno bela
i va kuće žalost vela

piše da j' bil dobar
i da za njin pale šteliki
i još dole potpisana žena, deca
i sestra z meriki

va oštarije do butigi već se j' povedalo
i turu za pokojnega na šank se j' zvalo
bit će od infarkta, jedan je nagajal
i za prvun litrun , drugu je zval

a za pol uri već su pozabili
za ča su malo prej plakali i pili
na račun pokojnega su vici povedali
i si skupa bez pardona štonano zakantali

R:to j' naša užanca za pokojnega popit
domislet se na lepe stvari grde pozabit
aš tako nan je sujeno, menjat se to ne da
si prej ćemo al' pokle, do svetega petra

opeta su jutro, takali na butigu
kus bele karti ča ima črnu rigu
danaska je na slike, a još čera je kantal
popil je jenu previše, pa se j'- kalmal.